



PIA ORATIONIS

Quam habiturus erat Excellentiss. Christianissimi Regis Legatus in Comitij Convocationis, si non abrupta subito fuissent.



Non sine religione quâdam huc accedo, Eminentissime, Excellentissimi, ac Reverendissimi, Perillustres, Magnifici, ac Generosi Domini Serenissimæ Reipublicæ utriusq; Gentis Procures, ac Terrarum Nuntij. Cum enim orbata capite suo Respublica Serenissima quærat unde tantam possit resarcire jacturam, & malis, quæ vel ab hoste ingruunt, vel aliunde irrepunt, occurrere, vestris consilijs importunitatem aut moram afferre nefas existimavi.

Verum, ubi venit in mentem, quanto sint apud vos in pretio Christianissimi Regis Domini mei Clementissimi nomen ac studium, minimè dubitavi, quin gratus acceptusq; venirem, jussus ea significare palam, & contestari verbis, quæ Majestas Sua proprijs ad vos literis expressit.

Ac primùm quidem, quanto dolore, quibus lacrymis audita Serenissimi Regis vestri JOANNIS III. fata prosequi cæperit, non est cur fusiùs eloquar. Fuit is Principum omnium admiratione, dum viveret, postquam occidit, desiderio summè dignus, at neminis tamen æquè, ac Regis mei, cui (ut probè nostis) erat non modò fraternæ jure amicitiae, sed & heroicæ laudis societate sic unicè conjunctus, ut jam hoc extin-

A

Historia pol. 6273.



*Et, non habeat ille alterum sibi aut bellicis l
aut trophæorum varietate parem.*

*Ne putetis tamen, ô Serenissimæ Reipublicæ Pro-
ceres, cum tot amissis in vestro Rege virtutibus, a-
missam quoq; Regis mei necessitudinem, quæ partus illa-
rum erat, neque enim soli Principi fuit addicta, sed in
totam diffusa gentem, per quam ille regnavit, vicit,
triumphavit.*

*Non est unius anni, aut unius occasionis amor ille,
quo nos invicem diligimus; annales utrorumq; legenti
crebra illius ac vetusta vestigia passim occurrunt, nul-
la odij, ac simultatum: nec sine stupore videre est ne
unum quidem in Europâ populum esse qui nobiscum
aliquando non decertaverit, præter Polonum; adeo
voluit esse Deus omnipotens integram, & castam hanc
si non armorum, saltem animorum confœderationem,
cujus vinculo Poloni, Galli, velut gens una sunt, &
esse debent.*

*Quod quidem non ideò solùm existimaverim tam
prosperè factum, quòd inter dissita Regna vix ullus un-
quam esse possit æmulationi prætextus, sed ex innatâ
potius, & mutuâ propensione.*

*Scio jam pridem hoc à meis antecessoribus nota-
tum, scilicet eam inter nos morum, indolis, orisq; si-
militudinem semper fuisse, ut ambo sermone tantum,
ac veste discrepare videremur; id unum adiçio, plus
profuisse huic florentissimæ, potentissimæq; Reipublicæ
nostram, quàm aliorum omnium, ac præcipuè vicino-
rum amicitiam.*

*Ex quo pacis Olivensis Mediatore Galli fuerunt,
ac fidejussores, hinc pax æterna, quâ parte bellum
vehementius exarserat, ubi verò cum reliquis inita fœ-
de-*

*dera, nihil nisi sumptus inutilis, bellique inextricabilis
difficultas accessit Poloniae.*

*Quid plura? satis, superque vobis compertum est,
quantae sint Christianissimi Regis & potentia, & con-
stantia, nec minus eum in tuendis amicis, quam in re-
pellendis hostibus invictum. Ecce quascunque vires ha-
bet, vestrae sunt: quod si nulla praetermisit hactenus
interregna, quin rebus vestris attentissime prospexerit,
& consulere sit conatus, istud sane non praetermittet,
quin vobis opes omnes suas, auxilia, & quidquid ipsi
carius & antiquius esse potest, libens offerat, unde
pristinus huic fortissimae genti splendor restituatur, &
crescant in perpetuum pretiosissima jura libertatis.*

*Ego vero felix mihi videor, quod tandem ali-
quando ad conspectum vestrum adduci potuerim, quem
per tres annos frustra suspirabam, ut tam eximia
Regiae benevolentiae testimonia proferrem, luculenti-
ora certe, nec non evidentiora demonstraturus,
cum in Electorali campo licebit iterum mihi Serenif-
simam alloqui Rempublicam, quae inter omnes orbis
terrarum, una servavit sibi facultatem coronandae vir-
tutis.*

Cum licentia Superiorum.

BIBLIOTHECA
UNIV. JAC. ALL.
GRACIENSIS

BIBLIOTHECA
UNIV. JAC. ALL.
GRACIENSIS

